



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Die 1. Festum omnium Sanctorum

[urn:nbn:de:hbz:466:1-52716](#)

606 I. Novembris. Sanctorum Omnis.

Quomodo? afflictione, & mortificatio-
ne. Igitur cilicia, & jejunia jugiter am-
pleteamur, unāque, vel alterā vice per
septimanam rebellibus applicemus cor-
poribus. Quid arma à latere, vel in ma-
nibus militum, si nunquam contra ini-
micos stringantur? Dum sumus in ope-
re pœnitentiæ, *Psalmos pœnitentiales* of-
feramus Deo contra tentationes carnis.
Huic non parcatur. Dei Filius toto vi-
tæ passus est tempore: Et homo semper
in deliciis, semper in voluptatibus! Quæ
hæc similitudo cum Christo?

N O V E M B E R.

Festum omnium Sanctorum
triumphantis Ecclesiæ.

EXHORTATIUNCULA I.

Filli! periclitamur omni horâ! Insi-
diæ sunt undique, & innumeræ.
Ad aliquem ergo sanctorum convertere,
monet Job patientissimus. *Multò plus*
valet unus sanctus orando, quam pecca-
tores innumeri præliando. Origenes. Sa-
pienter & D. Bernardus: *Summopere*

no.



nobis desideranda sunt suffragia Sanctorum, ut, quod possilitas nostra non obtinet, eorum nobis intercessione donetur.

Instructio meritoria.

Igitur, ut nostro adsint certamini quotidiano Sancti Dei, per septimanam semel eos invocemus per *Lytanias maiores*. Tempus suppetit pro deliciis, & oblectamentis sensuum: Cur non & pro veneratione Sanctorum? Exaltat hos Deus: Obliviscitur homo: Quid indignius?

II.

Cur tam modicus hoc tempore sanctorum numerus? Quia homo non vult serio fieri sanctus. Sanctitas iuxta Magnum Aurelium consistit in iustitiae operibus. Hæc negliguntur; ideo & tam rari Sancti inveniuntur. O dilecte fili! Deus dedit nobis posse: Cur velle deficit? Recordemur, quid nobis Divus Chrysostomus: *Quæ est ista iustitia, sanctos colere, & sanctitatem negligere?* Primus gradus est sanctitatem diligere; postea sanctos, qui non sancti ante sanctitatem fuerunt, sed sanctitas ante eos;

CC 4

sine

608 I. Novembris. Sanctorum Omnium.
sine causa enim justos honorat, qui justiam deserit.

Instructio meritoria.

Accusemus nostram in exercendis iustitiæ, & sanctitatis operibus hactenus commissam negligentiam, & pro salutari satisfactione nobis ipsis imponamus extraordinariam poenitentiam, Venerabili Patri spirituali pro Benedictione insinuandam. Sit hæc vel actus rigoris, vel vigiliarum, vel abstinentiæ. Si sancti esse cupiamus cum sanctis, major ardeat in nobis zelus Sanctorum Justitiæ, & sanctitatis. Ut accendamus, *Benedicite intonemus.*

III.

Rident inter tormenta sanctæ animæ, & præ dulcedine spiritus haud sentiunt miseriam, ærumnas, & dolores præsentis vitæ. Tanta Dei est in Sanctos clementia, ut & in valle lacrymarum jam dederit prælibare delicias vitæ aeternum duraturæ. Sic verè, quod in præsenti est momentaneum, & leve tribulationis nostræ, supra modum in sublimitate

II. Novembr. Commem. Defunct. Fid. 609
state æternum gloriae pondus operatur in
nobis. 2. Cor. 4.

Instructio meritoria.

Proin terreamur nunquam, dum ma-
la patimur hujus malignantis sæculi. Erat
his quoque finis. *Non hic quæramus*
quod nullus Sanctorum obtinuit, immo quod
neque Christus invenit. Eus. Emiss. Pro
expeditâ imitatione Sanctorum unum S.
Rosarium jungamus ordinario cum illa
Collecta ad Laudes ex Cursu Mariano :
Sancti Dei omnes! Intercedere dignemini
pro nostra, omniumque salute. ¶ Læ-
tamini &c. cum reliquis. *Sanctorum fi-*
des nos servat. S. Ambros.

Commemoratio omnium De-
functorum Fidelium in Domino
obdormientium.

EXHORTATIUNCULA I.

COnquesti sunt quondam dæmones,
quod Cluniacenses famuli Deo ad-
dictissimi, suis precibüs animas extrahe-
rent plurimas ex ignibus, & purgatorii
tormentis. Inferis hos augeamus do-
lores, fili mi? Quomodo? Quotidiana

Cc 5 cha-

